



**Broj: 02-04.1- 401/17
Datum: 19. 10. 2018. godine**

Na osnovu člana 12. stav (1) tačka c) Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine”, broj 19/07), člana 44. do 60. i 99. Zakona o fiskalnim sistemima („Službene glasnik Brčko distrikt BiH”, broj 22/16), direktor Direkcije za finansije, uz prethodno pribavljeno mišljenje Komisije za fiskalizaciju, broj: 02-04.1-595/18 od 14. 8. 2018. godine, a uz Saglasnost Vlade Brčko distrikta BiH broj: 02-000293/18 od 19. 10. 2018. godine, d o n o s i

**P R A V I L N I K
O POSTUPKU REGISTRACIJE PROIZVOĐAČA ODNOSNO ZASTUPNIKA FISKALNIH SISTEMA**

**Član 1.
(Predmet)**

Pravilnikom o postupku registracije proizvođača odnosno zastupnika fiskalnih sistema (u daljnjem tekstu: Pravilnik) utvrđuje se oblik i sadržaj formulara za evidentiranje proizvođača odnosno zastupnika iz člana 45. Zakona o fiskalnim sistemima (u daljnjem tekstu: Zakon), sadržaj knjige evidencije registrovanih proizvođača, odnosno zastupnika i odobrenja za fiskalne proizvode i fiskalne sisteme i uslove sudjelovanja na javnom pozivu za registraciju ovlaštenih proizvođača odnosno zastupnika fiskalnih sistema.

**Član 2.
(Formular za evidentiranje)**

(1) Formular za evidentiranje proizvođača odnosno zastupnika (u daljnjem tekstu: formular FEPZ) definisan je u Aneksu I i čini sastavni dio ovog pravilnika.

(2) Formular je dostupan na internet stranici Direkcije za finansije Brčko distrikta Bosne i Hercegovine (u daljnjem tekstu: Direkcija).

(3) Proizvođač odnosno zastupnik je obavezan da popunjen formular dostavi u elektronskoj i fizičkoj formi s memorandumom, pri čemu pravno lice koje se prijavljuje za status „proizvođač“ ne popunjava tabelu broj 1. u skladu s formularom, a pravno lice koje se prijavljuje za zastupnika popunjava tabelu br. 1.

(4) Uz popunjen formular, osim priloga propisanih članom 45. stav (1) Zakona, dostavljaju se i dodatne isprave:

- a) uvjerenja o izmirenim porezima i doprinosima;
- b) potpisan ugovor o prodaji i servisiranju fiskalnih sistema s proizvođačem i ovlaštenjem sklapanja podugovora, za pravno lice koje se prijavljuje za registrovanog zastupnika.

(5) Svi dostavljeni dokumenti moraju biti ovjereni i sačinjeni na memorandumu pravnog lica

koje ih dostavlja.

Član 3. (Podaci o distributivnoj mreži)

(1) Proizvođač odnosno zastupnik obavezan je dostaviti sljedeće podatke o distributivnoj mreži u skladu s članom 45. stav (1) tačka e) Zakona, kao prilog formularu FEPZ:

- a) originale ili ovjerene kopije predugovora ili ugovora s pravnim licem navedenim u distributivnoj mreži proizvođača odnosno zastupnika;
- b) ovjerene kopije rješenja izdatih od nadležnih organa o registraciji pravnih lica i preduzetnika.

(2) Proizvođač odnosno zastupnik je dužan u roku od 15 dana prijaviti Direkciji sve promjene o distributivnoj mreži.

Član 4. (Podaci o servisnoj mreži)

Proizvođač odnosno zastupnik obavezan je dostaviti sljedeće podatke o servisnoj mreži u skladu s članom 45. stav (1) tačka f) Zakona, kao prilog formularu FEPZ:

- a) originale ili ovjerene kopije predugovora ili ugovora s pravnim licima navedenim u servisnoj mreži proizvođača odnosno zastupnika;
- b) ovjerene kopije rješenja izdatih od nadležnog organa o upisu u registar pravnih lica s ovlaštenjem servisiranja tehničke opreme;
- c) ovjerene formulare o kadrovskoj i tehničkoj opremljenosti (formular FKTO) koje popunjavaju i ovjeravaju pravna lica navedena u servisnoj mreži proizvođača odnosno zastupnika;
- d) formular FKTO iz tačke c) ovog člana definisan je Aneksom III koji čini sastavni dio ovog pravilnika.

Član 5. (Servisiranje)

(1) Proizvođač odnosno zastupnik dužan je osigurati servisiranje u Brčko distriktu Bosne i Hercegovine neposrednom organizacijom servisne mreže s najmanje jednim servisom.

(2) Proizvođač odnosno zastupnik je dužan u roku od 15 dana prijaviti Direkciji sve promjene o servisnoj mreži.

Član 6. (Kadrovski i tehnički kapaciteti proizvođača)

Proizvođač mora raspolagati kadrovskim i tehničkim kapacitetima potrebnim za proizvodnju fiskalnih sistema odnosno dijelova fiskalnih sistema, i to:

- a) minimalno dvije osobe visoke stručne spreme iz oblasti elektrotehnike, elektronike ili mašinstva;
- b) najmanje 50 m² skladišnog, 50 m² proizvodnog i 30 m² servisnog prostora u zakupu ili vlasništvu;
- c) certifikat ISO 9001.2000 ili noviji.

Član 7.

(Kadrovski i tehnički kapaciteti zastupnika)

Zastupnik mora raspolagati kadrovskim i tehničkim kapacitetima potrebnim za distribuciju, servisiranje i tehničku podršku fiskalnih sistema odnosno dijelova fiskalnih sistema, i to:

- a) minimalno jedna osoba visoke stručne spreme iz oblasti elektrotehnike, elektronike ili informatike;
- b) najmanje 30 m² skladišnog i 20m² servisnog prostora u zakupu ili vlasništvu.

Član 8.

(Provjera tačnosti podataka)

Komisija za fiskalizaciju ima pravo provjere tačnosti podataka navedenih u formularu FEPZ i priložima.

Član 9.

(Prijedlog za izdavanje odobrenja)

Komisija za fiskalizaciju, na osnovu člana 4. Zakona, dostavlja direktoru Direkcije prijedlog za izdavanje odobrenja za registrovanje proizvođača odnosno zastupnika fiskalnih sistema koji ispunjavaju uslove iz javnog poziva.

Član 10.

(Registar proizvođača odnosno zastupnika i izdatih odobrenja)

(1) Registar registrovanih proizvođača odnosno zastupnika i izdatih odobrenja (u daljnjem tekstu: Registar) sadrži i evidenciju brisanja registrovanih proizvođača odnosno zastupnika iz registra.

(2) Registar iz stava (1) ovog članka sadrži naziv proizvođača odnosno zastupnika, mjesto odnosno sjedište proizvođača odnosno zastupnika, promjenu mjesta odnosno sjedišta proizvođača odnosno zastupnika, datum odobrenja, broj odobrenja, identifikacioni broj, PDV broj, podatke o skladišnom, proizvodnom i servisnom prostoru, podatke o zakupu ili vlasništvu prostora i drugo.

Član 11.

(Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

DIREKTOR DIREKCIJE ZA FINANSIJE

Mato Lučić

Aneks I

Formular za evidentiranje proizvođača/zastupnika fiskalnih sistema – FEPZ:

* Popunjava Komisija.

** Nije eliminatorno.

*** Ne popunjava pravno lice koje se prijavljuje za status registrovanog proizvođača.

1. ZASTUPNIK ***		PODACI					
1.	Pun naziv preduzeća						
2.	Ulica i broj sjedišta						
3.	Poštanski broj i grad						
3.	JIB						
4.	PDV broj						
5.	Matični broj						
6.	Žiroračun						
7.	Telefon						
8.	Telefaks						
9.	Internet stranica						
2. PROIZVOĐAČ		PODACI					
1.	Pun naziv preduzeća						
2.	Ulica i broj sjedišta						
3.	Poštanski broj i grad						
3.	JIB						
4.	PDV broj						
5.	Matični broj						
6.	Žiroračun						
7.	Telefon						
8.	Telefaks						
9.	Internet stranica						
3. KONTAKT OSOBA		PODACI					
1.	Ime i prezime						
2.	Pozicija u preduzeću						
3.	Ulica i broj						
4.	Poštanski broj i grad						
5.	Država						
6.	Mobilni telefon						
7.	Telefon						
8.	Telefaks						
8.	e-mail						
4. KADROVSKA I TEHNIČKA OPREMLJENOST ZASTUPNIKA ***		PODACI			Ispunjenost uslova* (DA/NE)		
1.	Broj zaposlenih						
2.	Struktura zaposlenih	VSS	VŠS	SSS			
3.	Površina poslovnih objekata (m ²)	skladište:	proizvodnja:	servis:			

4.	Broj vozila		
5.	Računari		
6.	Ostala oprema (navesti)		**

5. KADROVSKA I TEHNIČKA OPREMLJENOST PROIZVOĐAČA		PODACI			Ispunjenost uslova* (DA/NE)
1.	Broj zaposlenih				
2.	Struktura zaposlenih	VSS	VŠS	SSS	
3.	Površina poslovnih objekata	skladište:	proizvodnja:	uredi:	
4.	Broj vozila				
5.	Računari				
6.	Ostala oprema (navesti)				**

6. DOSTAVLJENA DOKUMENTACIJA		PODACI	Dokumentacija dostavljena (DA/NE)
1.	Licitacijska garancija u skladu s članom 45. tačka b) Zakona	Prilog 1)	
2.	Potvrda nadležnog organa o upisu proizvođača, odnosno zastupnika u registar u skladu s članom 45. tačka c) Zakona	Prilog 2)	
3.	Reference u skladu s članom 45. tačka d) Zakona	Prilog 3)	**
4.	Bilans stanja i bilans uspjeha za prethodnu godinu u skladu s članom 45. tačka d) Zakona	Prilog 4)	
5.	Podaci o organizaciji distributivne mreže u skladu s članom 45. tačka e) Zakona i članom 3. ovog pravilnika	Prilog 5)	
6.	Podaci o organizaciji servisne mreže u skladu s članom 45. tačka f) Zakona i čl. 4. i 5. ovog pravilnika	Prilog 6)	
7.	Financijske ili druge pogodnosti u skladu s članom 45. tačka g) Zakona	Prilog 7)	**
8.	Uvjerenja o izmirenim porezima i doprinosima ili sporazum o odgođenom plaćanju	Prilog 8)	
9.	Za zastupnika: ovjerena kopija ugovora o servisiranju s proizvođačem u skladu s članom 2. ovog pravilnika	Prilog 9)	

Obrazloženje

Nacrta Pravilnika o postupku registracije proizvođača, odnosno zastupnika fiskalnih sistema

Pravni osnov za donošenje pravilnika

Pravni osnov za donošenje ovog pravilnika sadržan je u članovima 44., 45., 46., 47., 48., 49., 50., 51., 52., 53., 54., 55., 56., 57., 58., 59., 60. i 99. stav (1) Zakona o fiskalnim sistemima („Službeni glasnik Brčko distrikta BiH“, broj 22/16).

Razlozi za donošenje

a) Analiza sadašnjeg stanja

Pored odredbi u članovima Zakon o fiskalnim sistemima navedenim u pravnom osnovu neophodno je donijeti provedbene akte kojima će se bliže urediti oblik i sadržaj formulara za evidentiranje proizvođača odnosno zastupnika iz člana 45. Zakona o fiskalnim sistemima sadržaj knjige evidencije registrovanih proizvođača, odnosno zastupnika i odobrenja za fiskalne proizvode, odnosno fiskalne sisteme i uslove sudjelovanja na javnom pozivu za registraciju ovlaštenih proizvođača, odnosno zastupnika fiskalnih sistema.

b) Problemi koje propis treba da riješi

Pravilnik o postupku registracije proizvođača, odnosno zastupnika fiskalnih sistema treba da riješi:

- oblik, sadržaj i dostupnost formulara koje su dužni popuniti i dostaviti proizvođači, odnosno zastupnici fiskalnih uređaja nakon raspisanog javnog poziva za registrovanje proizvođača, odnosno zastupnika;
- prava i obaveze Komisije za fiskalizaciju u postupku izdavanja prijedloga direktoru Direkcije za izdavanje odobrenja za registraciju proizvođača, odnosno zastupnika fiskalnog sistema;
- uspostavljanje registra registrovanih proizvođača, odnosno zastupnika u evidencijama Porezne uprave.

c) Ciljevi koji se pravilnikom postižu

Ovim provedbenim aktom postižu se sljedeći ciljevi:

- olakšava se postupak proizvođačima, odnosno zastupnicima kod dostavljanja potrebne dokumentacije za prijavljivanje po javnom pozivu za registraciju u Direkciji za finansije;
- bliže se definišu kriteriji koje treba ispuniti proizvođač, odnosno zastupnik što olakšava Komisiji za fiskalizaciju u postupku davanja prijedloga direktoru Direkcije za finansije za davanje odobrenja za registraciju proizvođača, odnosno zastupnika;

- bliže se uređuje sadržaj registra proizvođača, odnosno zastupnika fiskalnih uređaja.

d) Razmatranje mogućnosti da se problem riješi bez donošenja pravilnika

Nije moguće navedene probleme riješiti bez donošenja pravilnika.

e) Odgovor na pitanje zašto je donošenje pravilnika najbolji način rješavanja problema

S obzirom da se spomenutim odredbama ovog zakon navode postupci i obaveze učesnika u postupku fiskalizacije, u tom smislu pitanja postupka registracije moguće je bliže urediti jedino donošenjem ovog pravilnika.

f) Vrijednosti kojima se obrađivač vodio i trenutna politika date institucije u vezi s njima

Dosljednim provođenjem pravilnika osigurat će se uslovi za registrovanje proizvođača, odnosno zastupnika i evidencija svih relevantnih podataka o proizvođačima, odnosno zastupnicima.

g) Vjerovatnoća budžetskih prihoda od donošenja pravilnika

Dosljednim provođenjem pravilnika osigurat će se uslovi za dosljednu primjenu zakona koji će doprinijeti značajnom povećanju direktnih i indirektnih poreza.

3. USKLAĐENOST ZAKONA SA AQUIS EU

U aktu Zakonodavnog ureda broj: 01.5-1083MM-01/15 od 22. 5. 2015. godine navedeno je da „nije moguće izvršiti identifikaciju prava Evropske unije“, te da „nije moguće ni provoditi procedure u postupku harmonizacije“.

4. OBJAŠNJENJE OSNOVNIH PRAVNIH INSTITUTA

OBRAZLOŽENJE POJEDINIH ODREDBI PRAVILNIKA

1) Članom 2. ovog pravilnika definisan je sadržaj formulara za evidentiranje proizvođača, odnosno zastupnika kako je prikazano u Aneksu I, koji je sastavni dio ovog pravilnika. Također, određeno je da se formular mora nalaziti na internet stranici Direkcije za finansije. Isto tako određene su dodatne isprave uz formular koje dostavlja proizvođač odnosno zastupnik kao i način ovjere priloženih dokumenata sve s ciljem jedinstvenih postupaka i podataka za sve proizvođače koji hoće biti registrovani proizvođači, odnosno zastupnici fiskalnih uređaja za Brčko distrikt BiH.

2) Članovima od 3. do 7. ovog pravilnika decidirano su određeni podaci o distributivnoj servisnoj mreži, mjestu servisiranja, kadrovskim i tehničkim kapacitetima proizvođača, odnosno zastupnika fiskalnih proizvoda koje je proizvođač, odnosno zastupnik dužan ispuniti i dostaviti kao prilog formularu FEPZ. Na taj način, osigurani su jedinstveni uslovi koje mora ispuniti svaki proizvođač, odnosno zastupnik ako želi dobiti odobrenje za registrovanje kao proizvođač, odnosno zastupnik fiskalnih proizvoda u Brčko distriktu BiH.

3) Članom 8. i 9. Pravilnika regulisana su prava provjere tačnosti podataka navedenih u formularu i prilogima, te obaveza Komisije za fiskalizaciju da nakon provedenih svih postupaka u vezi s prijavom i ispunjavanjem traženih uslova, direktoru Direkcije za finansije dostavi prijedlog za

izdavanje odobrenja za registraciju proizvođača, odnosno zastupnika koji su ispunili navedene uslove.

4) Članom 10. i 11. ovog pravilnika regulisano je registrovanje proizvođača, odnosno zastupnika u evidencijama Porezne uprave, kao i postupak brisanja proizvođača, odnosno zastupnika i izdatih odobrenja iz navedenih evidencija nakon donesenih rješenja direktora Direkcije.

5. ANALIZA EFEKATA PROPISA

Analiza efekata ovog propisa bit će urađena po protoku određenog roka primjene istog.

6. PROVEDBENI MEHANIZMI I NAČINI OSIGURAVANJA POŠTOVANJA PROPISA

Zakon o fiskalnim sistemima je propisao nadležnosti i ovlaštenja nadzora nad provođenjem ovog zakona i podzakonskih akata.

7. PROCJENA FINANSIJSKIH SREDSTAVA POTREBNIH ZA PROVOĐENJE PRAVILNIKA

Budžetske implikacije su sadržane u aktu Direkcije za finansije broj: 02-04.1-554/18 od 1. 8. 2018. godine.

8. KONSULTACIJE MEĐU INSTITUCIJAMA

Konsultacija je vršena sa svim odjeljenjima i institucijama Brčko distrikta BiH.

PRIMJEDBE I PRIJEDLOZI

Primjedbi i prijedloga odjeljenja i institucija Brčko distrikta BiH, osim Odsjeka za zakonodavnu aktivnost, nije bilo.

Komentari Odsjeka za zakonodavnu aktivnost, dostavljeni aktom broj: 02-000166/17 od 11. 7. 2017. godine, Obavještenje broj: 02-000236/17 od 26. 9. 2017. godine, kao o Obavještenjem broj: 02-000242/18 od 9. 8. 2018. godine, te od 12. 9. 2018. godine su prihvaćeni u mjeri u kojoj je to bilo moguće.

Komentari broj: 02-000166/17 od 11. 7. 2017. godine su sljedeći:

a) Preambulu preformulisati radi usklađivanja s članom 9. Jedinstvenih pravila i procedura za izradu zakona i drugih propisa Brčko distrikta Bosne i Hercegovine, na način da se prvo poziva na propise više pravne važnosti. Isto tako, prilikom pozivanja na Zakon o fiskalnim sistemima objedinit sve članove Zakona koji predstavljaju osnov za donošenje Pravilnika, i ne vršiti dva puta pozivanje na isti zakon; ***komentar uvažen te izvršene ispravke.***

b) Strukturu i formu Pravilnika uskladiti s članovima od 6. do 30. Jedinstvenih pravila – ***komentar prihvaćen. Varijanta dostavljena na komentare je bila podijeljena na dijelove, i isti su izbrisani.***

c) Član 1. je potrebno preformulisati u smislu da se navede puni naziv pravilnika, a zatim koristiti skraćeni naziv koji počinje velikim slovom. Isto tako, potrebno je usaglasiti predmet i naziv pravilnika

sa sadržajem pravilnika, a riječ „definiše“ zamijeniti riječju „uređuje“ ili „utvrđuje.“ – **član 1. je preformulisana na način kako je navedeno u komentaru. Naziv Pravilnika je po mišljenju radne grupe usklađen sa sadržajem, s obzirom da sadržaj pravilnika predstavlja korake u postupku registracije proizvođača odnosno zastupnika. Zakon o fiskalnim sistemima ne navodi eksplicitan naziv pravilnika, nego članom 45. stav (2) propisuje da Pravilnikom mogu biti propisane dodatne isprave neophodne za podnošenje zahtjeva za registraciju, a članom 99. stav (1) je propisano da direktor Direkcije, uz saglasnost Vlade, donosi pravilnik kojim se uređuju pitanja: vrsta fiskalnih uređaja i proizvoda, odnosno dijelova fiskalnog sistema, tehničkih i funkcionalnih karakteristika fiskalnih uređaja i proizvoda, terminala, softvera, načina realizacije fiskalnih sistema, sadržaja knjige evidencije registrovanih proizvođača, oblika i vrsta plombi, izgleda sadržaja formulara za evidentiranje proizvođača odnosno zastupnika, sadržaja javnog poziva i slično. U skladu s navedenim, Direkcija za finansije kao izrađivač i direktor Direkcije kao donosilac propisa smatraju da srodne materije navedene u članu 99. mogu propisati jednim propisom, pa tako bi umjesto desetina propisa imali znatno manji broj koji će korisnicima odnosno struci (zbog specifične prirode teme) omogućiti i lakše nalaženje i snalaženje u propisima. Riječ „definiše“ je zamijenjena riječju „utvrđuje“. Tehnička greška iz tačke 13. komentara je ispravljena.**

d) U članu 2. stav (5) preformulisati tako da glasi: „(5) Svi dostavljeni dokumenti moraju biti ovjereni i sačinjeni na memorandumu pravnog lica koje ih dostavlja.“ – **komentar uvažen.**

e) U članu 3. stav (1) podjela stava nije izvršena u skladu s članom 38. Jedinostvenih pravila. U Istom članu, kao i u članu 4. tačka b) iza riječi „rješenja“ dodati riječi „izdatih“. **Komentar prihvaćen, podjela člana izvršena u skladu s članom 38. Jedinostvenih pravila, te su tačke numerisane na odgovarajući način, a dotadašnja tačka 3) je novi stav (2) člana 3. Riječ „izdatih“ je dodana.**

f) Član 10. stav (1) urediti u skladu s članom 42. stav (1) Jedinostvenih pravila. U tom smislu potrebno je zakonom definisane pojmove brisati ili pojasniti, a ne prepisati. Isto tako, u članu 2. stav (3) nije potrebno navoditi dokumentaciju koja je već propisana Zakonom, nego samo dodatne isprave koje se propisuju Pravilnikom u skladu s članom 45. stav (6) Zakona. – **Komentar koji se odnosi na član 2. stav (3) je uvažen, a prvi dio komentara je također uvažen i to na način da član 10. utvrđuje šta sadrži Registar registrovanih proizvođača odnosno zastupnika.**

g) Član 11. nije usaglašen s članom 44. stav (2) Zakona na koji se vrši pozivanje, propisuje da „direktor Direkcije, na prijedlog Komisije, izdaje rješenje o registraciji proizvođača odnosno zastupnika i brisanje iz registra registrovanih proizvođača odnosno zastupnika“, a Pravilnikom se utvrđuje da „direktor Direkcije za finansije donosi odobrenja registrovanom proizvođaču odnosno zastupniku, kao i brisanje iz registra registrovanih proizvođača odnosno zastupnika“. **Komentar je uvažen na način da je član 10. postao član 9. te isti glasi: Komisija za fiskalizaciju, na osnovu člana 4. Zakona, dostavlja direktoru Direkcije prijedlog izdavanja odobrenja za registrovanje proizvođača odnosno zastupnika fiskalnih sistema koji ispunjavaju uslove iz javnog poziva“.**

h) Član 12. Pravilnika koji se odnosi na stupanje na snagu uskladiti s članom 108. Zakona da bi se osiguralo da svi podzakonski akti stupe na snagu istog dana, imajući u vidu da se Zakon o fiskalnim sistemima počine primjenjivati najranije od 1. 1. 2018. godine. – **Član 12. odnosno 11. je ostao isti**

s obzirom da je datum 1. 1. 2018. godine prošao, te Direkcija za finansije izrađuje i predlaže akte po prioritetima radi pravilne implementacije zakona, odnosno provođenja fiskalizacije.

i) Upotreba terminologije u cijelom tekstu mora biti dosljedna, kao i u odnosu na propise koji su na snazi (član 42. Jedinostvenih pravila) i u tom smislu je potrebno kroz cijeli tekst Pravilnika usaglasiti terminologiju s terminologijom korištenom u zakonu, naprimjer izrazi *zastupnik*, *proizvođač*, *servis* neispravno i nedosljedno korišten kroz cijeli tekst Pravilnika. Potrebno mu je odrediti značenje u skladu sa zakonom i ispravno ga upotrijebiti kroz cijeli tekst Pravilnika (članovi 5. stav (2), 6. u nazivu i stavu (1), 7. u nazivu i stavu (1). Nazivi su pogrešno i nedosljedno upotrijebljeni npr. *Brčko distrikt Bosne i Hercegovine*, *Direkciju za finansije Brčko distrikta BiH*, *Porezna uprava*, *Službeni glasnik Brčko distrikta* – pogledati preambulu i članove 2. stav (2), 3. stav (3), 5. stav (1) i (2), 9.,10. i 11. – **radna grupa je usaglasila terminologiju sa zakonom, te mu je značenje isto kao u zakonu, s tim da se definicije istih nisu ponavljale, pogotovo uzimajući u obzir primjedbe Zakonodavnog ureda kako je pojmove definisane u zakonu potrebno brisati ili pojasniti, a ne prepisati. Radna grupa također je proučila pogrešnu upotrebu gore navedenih termina, te izvršila ispravku riječi „Direkcija za finansije Brčko distrikta BiH“ u „Direkcija“, te „Direkcija za finansije“ u „Direkcija“, a skraćunica „BiH“ je zamijenjena riječima „Bosna i Hercegovina“.**

j) Upotrebnu glagola u Pravilniku vršiti u sadašnjem vremenu i aktivnom obliku, u skladu s članom 49. Jedinostvenih pravila (u članu 9. riječi: „koji su ispunili“ zamijeniti riječima: „koji ispunjavaju“ i slično) – **komentar ugrađen.**

k) Anekse označiti u skladu s članom 28. Jedinostvenih pravila i sadržaj aneksa uskladiti sa Zakonom i Pravilnikom (npr. u dijelu 6. DOSTAVLJENA DOKUMENTACIJA – tačka 2 – Rješenje nadležnog organa, vrsta akta nije usklađena s članom 45. tačka c) Zakona i članom 2. stav (3) tačka b) Pravilnika koji propisuju da predmetni zahtjev sadrži potvrdu nadležnog organa – **komentar ugrađen.**

9. RETROAKTIVNO DEJSTVO

Ovaj pravilnik nema retroaktivno dejstvo.

NACRT IZRADILI: Radna grupa imenovana Odlukom gradonačelnika Brčko distrikta BiH u sastavu: Safet Rizvanović predsjednik, članovi: Danica Pajić, Lejla Mujagić, Slobodan Pejkić i Slaven Filipović.

Direktor Direkcije

Mato Lučić, dipl. ecc.